

BERTSOKARIA

HAUR ETA GAZTEENTZAKO ALDIZKARI DIGITALA

2020ko Ekaineko alea

AIARALDEA BERTSOZALE

BERTSO IKASGELA

SARRERA ALBISTEAK GURI BURUZ IKASTETXEAK IKASLEEN TXOKOA



PISTOLERO JOLASA

Hitz bat emango zaigu eta ea azkar sakatzen dugun berekin errimatzen duen hitza. Adi, tiroak huts egin gabe!

Segi irakurtzen



Berriro jolastu nahi?

Hauek dira aste honetan ikasgelatan egin ditugun jolasak!



Bertso sortak

Bertso jarriak, musikatuta. Kanta dezagun!



Bat-bateko saioak

Gozatu plazako bertsoaldi onenekin!

ALBISTEAK



Xalbadorri txistuak

Ekainaren 11 zen, 1967ko Txapelketa. Historiako une esanguratsuenetako bat gertatzera zihoan... Zer gertatu zen jakin nahi?

2020-06-10

Aiaraldea-ko Udal eta ikastetxeen elkarlanari esker urtero bertsolariaren inguruko programa eskaintzen da Lehen Hezkuntzako ikastetxeetan. Guztira 13 ikastetxetako ia 40 gelatan landu dute bertsolaritza. Unai Mendibil 15ean behin ordu betez izan da gela bakoitzean. Audio, Amurrio, Urduña, Artziniega eta Aiara-ko ikastetxetako 5. eta 6. mailako taldeek jaso dituzte klaseak.

Bertso-ikasgela izan da aurtengo protagonista nagusia, bai gela fisikoan baita birtualetan ere, sarean baitaude edukiak, hurren ekoizpenak eta material osagarri guztiak. Horri esker konfinamenduan ere bertsolaritza modu dibertigarri batean lantzen jarraitzeko aukera izan da Aiaraldean.

Hizkuntza jolasteko tresna bezala erabili dute, sortzeko eta euskara aberasteko aukera izan dute ikasleek. Aurrez aurreko klaseak izan dituzte martxora arte eta martxotik ekainera bideodeiak eta plataforma digitalak baliatzeko aukera egon da, www.bertsoikasgela.eus bidez elkarrekin bertso-tan jarraitzeko. Aurrez aurre hobeto, baino esperientzia polita izan da!

Arabako bertso kuadrilla artekoa

Urtarrilaren 18an aurkeztu zuten Aramaion Arabako Kuadrilla arteko Bertsolari Txapelketa. Bertan hartu dute parte eskualdeko "Altubepekoak" taldekoek. Hain zuzen, aurreneko saioa, Laudioko Basalarrina elkartean izan zen. Gasteizko "Errexala" taldea izan zuten aurkari, eta beraiek lortu zuten puntu gehien.



25 lagun inguru bildu ziren atzoko saiora. Ander Fernandez izan zen aurkezle, eta harekin batera osatu zuten taldea Iñaki Cabezak, Ainhoa Comasek, Unai Mendibilek eta Izar Mendigurenek. Agur kolektiboen ondotik, zortziko handian eta txikian ofizio bana abestu behar izan zituzten bertsolariek.

Ainhoa Comasek (Altubepekoak) eta Garikoitz Sarriugartek (Errexala), iturgin lanpostura aurkeztutako 2 lagun ordezkatu zituzten, patrioiak mutila hautatu zuela eta. Sarriugarteren borondate onaren aurrean, karitatea ez, justizia dela behar dena nabarmendu zuen aiaraldearrak. Zortziko txikian, zaintza lanak izan zituzten hizpide Manu Bendalak (Errexala) eta Izar Mendigurenek (Altubepekoak); eta puntu erantzunetan Aiarako jendeaz aritu ziren Unai Mendibil (Altubepekoak) eta Garikoitz Sarriugarte. Gainontzekoan, ondorengo lanak osatu behar izan zituzten bertsolariek: lau oinak, bukaera emanda, puntuka eta koplaka. Aiaraldetik Iñaki Cabezak heldu zien errimen ariketari eta bukaerarekin bertsoa osatzeari. Saioa bizia izan zen orohar, eta bertsolari denek utzi zituzten ale politak. Entzuleak ere gustura egon ziren. Aurtengo txapelketan 12 talde ariko dira bat-batean, 62 bertsolari, 16 epaile eta 17 gaijartzaile.



KUADRILARTEKOTIK OHOLTZAPERERA

Konfinamenduan bertsoan jarraitu dute bertsolariak, eta bertso gosez daudela dirudi, COVID 19ak bertsoak sare sozialetara konfinatu bagaitu ere, plaza "normaltasun berrian" udako bertsoak bueltatuko dira Aiaraldeko plazetara. .Momentuz apuntatu data hau agendatan saio ederra dugu laster eta.



ARABAKO BERTSOLARIAK
**OHOLTZAPETIK
ENTZULEA EPAILE**
Ekainak 26, ostirala, 20:00
ARTZINIEGA
Frontoi inguruan
Gai jartzailea: **Ander Fernandez**

Peru
Abarrategi
Oier
Arbina

Irati
Anda
Beñat
Garaio

Antzerkiaz
Euzko Lehiaketa
Laguntzaileak
Arzainegiako

AIARALDEAN ere... bertsoa bizi gazte!

Ikasturte honetan zehar ere "Bertsoa bizi gazte" egitasmoa eraman da aurrera Arabako eskola gehienetan. Egitasmo honen helburua bertsolaritza, rapa eta musika lantzea da. Instituto eta batxilergoko ikasleei zuzenduta dago. Gure kasuan Laudioko Ikastolan, Institutoan eta La Milagrosa IKastetxean, nola Amurrioko Aresketa eta Zaraobeko DBH 1,3, 4. mailtako ikasleek Bertsoa Bizi Gazte 4 ordutako tailerra burutu dute Xabier Lasarekin. Hala, bukaera emateko hainbat saioa burutu ziren ikastetxe ezberdinetan.

Horrez gain "Bertso Bizi Gazte" bideo klip lehiaketa jarri genuen martxan udaberrian. Araba osotik bideo desberdinak egin dituzte gazteek konfinamendu bete betean.

Irabazleak Irailaren 1, 2 eta 3an egonaldi bat izango dute Manurga inguruetan. ZORIONAK parte hartuile guztiei, hurrengo urtean gehiago eta hobeto!

INFORMAZIO GEHIAGO:





XXV.

ESKOLARTEKOA

(14 urtez azpikoak)

Martxotik maiatzera bitartean, 14 urte bitarteko haur eta gaztetxoek bertso idatzien lehiaketan parte hartzeko aukera izan dute. Bertsolaritza ikastetxean edo bertso-eskolan lantzen duten 700 ikasle

inguruk parte hartu dute. Ziber-festa, mozorro eta jai giroan eman zaio amaiera, 14tik beherakoen XXV. Arabako Bertso Eskolarteko online beriziari, nola bestela.

2020ko udaberrian Arabako haur zein gaztetxoek, etxetik, kobazuloaren barren barrenetik ateratakoak izan dira egindako bertso lanak. Saguzarren erara oinak buruan jarrita!

Zein animalia bihurtuko liratekeen, ikusezin balira zer egingo luketen edota mundua nola ikusten duten erakutsi dute errimak josiz, koplak osatuz. Egoerak egoera, aurtengoa ere polita izan da, eskerrik asko Araba mailan parte hartu duzuen 700 bertsolari txikiei.

Hurrengo urtean gehiago! Zahar zein gazte, sorgin eta saguzar, mutil zein neska, pirata edo yogalari, denak ere ameslari...

[SARI BANAKETA ONKLINE](#) ikusi dezakezue:

(Sarituek HONTZA EXTREM abentura parkean egun pasa izango dute irailaren 13an)

Lehen fasera igarotako lanak, tartean MENDIALDEKO lan aukeratuak hemen daude GOZATU:

[ESKUALDEZ ESKUALDEKO LAN AUKERATUAK](#)



BERTSO ESKOLAK

Aiaraldeako bertso eskolak ez du etenik izan ikasturte amaiera arte, konfinamendu betean ere, jotake aritu dira pantailatik pan-tailara, etxetik etxera, gaiak jarri eta bertsoan elkar zirikatu eta ondo pasatuz.

Aisialdian gozatzeko arnagunea izan da bertso-eskola zailtaunen gainetik irudimenez eta irri-barrez aritzeko tokia. Datorren ikasturtean zuk ere

[IZENA EMATEKO](#)

inscripción
online

